

P A R S IV.

I N S T R U C T I O I N G E N E R E.

УТ-ЗЯЛ-9

ИМЕНИ БОГДАНА ХОДЫКА

CAPUT I. DE TIMORE DEI.

Timor Dei est fons, et origo omnis Boni, Prosperitatis, et Salutis; unius cuiusvis proinde ad Turmam Praetorianam quam maxime interest, vitam christiano homine dignam agere, cum primis autem incumbit Praepotitis, bono hac in parte Subordinatis suis exemplo praeire, adhaec vero serio omnino eo intendere, ut quam oportunissima ad hoc assequendum media adhibeantur, et e converso omnis occasio ad agendam dissolutam vitam praepediatur.

CAPUT II. DE SUSCEPTIONE, ET DIMISSIONE PRAETORIANORUM MILITUM.

Nobili Turmae Praetorianae hungaricae Nobilis duntaxat Iuvenis Hungarus, Croata, aut Transylvanus, cuius Nobilitas extra omne dubium posita est, adlegi potest. Ad hanc proinde aspirans requisitas eatenus a concernente Comitatu Testimoniales Litteras, et respective Recommendationem Turmae Praefecturae submitti faciat.

Testimoniales hae, seu Comitatuum recommendatoriae Litterae medio Cancellariae Regiae Hungarico-Aulicae, et respective Transylva-

118 Caput II. De Susceptione, et Dimissione

nico - Aulicae Turmae Capitaneo quovis trimestri communicabuntur, sine quibus nemo pro Milite Praetoriano proponendus est.

Omnium harum sive medio Cancellariae Regiae Hungarico - Aulicae, sive Transylvanicae quovis trimestri communicandarum Litterarum recommendatitiarum Turmae Capitaneus Protocollum duci faciat, ut vacantiis enatis usus earum fieri possit. De quovis autem neo - suscepto Praetoriano Milite concernens Comitatus edocendus est.

Individua ad Turmam Praetorianam non modo per Comitatus, ast medio Legionum etiam usque inclusive Sublocumtenentem proponi possunt. In receptione autem cum primis eo advertendum est, ut non nisi Iuvenes venustae formae, ac elegantis, et procerae statura assumantur; Pro bono vero, et omni exceptione majore Charactere morali recommendati Iuvenis concernenti Comitatui, aut Legioni onus responsoris incumbit.

Aetas Turmae Praetorianae allegendorum a 18 ad 22 annum defigitur, mensura autem 5 pedum, et 8 pollicum eò tamen additò praescribitur, ut in casibus, ubi de exigua quapiam hujus, aut illius per Comitatus recommendati, ac caeteris qualitatibus praediti Individui mensurae differentia quaestio subversatur, receptio talismodi Iuvenis nullatenus difficultetur; Et tum praescripta alias 5 pedum, 8 pollicum ordinaria mensura, ad 5 pedes, et 6 pollices relaxatur, si caetera ejusmodi Individuum reliquas qualitates possederit, venustae utpote faciei, et elegantis Corporis structurae fuerit. Relate autem ad eos, qui cum Charactere Sublocumtenentis a Legionibus ad Turmam Praetorianam transferri cupiunt, hi etiam a praescripta 22 annorum aetate dispensari possunt.

Comitatuum, qui aut nullum e gremio suo ad Turmam Praetorianam Individuum habent, aut copiosiorem prae caeteris Nobilitatem numerant, aut denique plus aliis ad fundum pro Dotatione Turmae concurrunt, occasione recipiendorum Praetorianorum praeferens ratio habenda est.

Receptio autem sequenti ratione instituatur: Turmae quippe Capitaneus Candidatum cum subjungendis motivis, ac adnectenda Comitatus Recommendatione Supremo Caesareo - Regio Primario Aulae Praefecto proponat, qui subin Propositionem hanc cum Cancellaria Regia

Hungarico - Aulica, aut respective Transylvanica communicabit, et si ex parte illarum nihil in obversum adductum fuerit, Suae Majestati Sacrissimae pro altissima approbatione substernet, demum elargitam benignam Resolutionem Turmae Capitaneo, fine ordinandae illius penes Turmam Praetorianam publicationis, intimabit.

Quamvis autem circa dimissionem Praetorianorum Militum jam in Capite de his, et de Turmae Capitaneo uberior eatenus mentio facta habeatur; tamen hic quoque denuo adfertur, quod quippe exacto penes Turmam quinquenniō quivis Praetorianorum ex hac excedere debeat, siquidem ei jam per id solum, occasionem nempe se per decursum quinque annorum perfecte excolendi habuisse, non parum utilitatis affluxerit, quam proinde alteri quoque de Nobili Iuventute cedere, ac eo minus idcirco conqueri potest, quod comparati sibi rerum notitiis, et devictis bono, ac mansueto suo agendi modo Statuum Comitatū animis Magistratuale quodpiam Officium facile obtinere valeat. Id tantum hic porro subjungitur, eos nempe, qui ad consequenda Belli - Commissariatus, Auditoratus, et alia similia Officia se formarunt, ac in Examine coram Caesareo - Regio Consilio Aulae Bellico eatenus peracto cum satisfactione substiterunt, pro posse, et pro temporum circumstantiis accommodatum iri. Insuper universi Supremi Comites inviabuntur, ut et ipsi eo intendere, et Status permovere velint, quatenus ad civilem Statum sine accommodatione egressuri Praetoriani pro eo, atque penes Turmam Praetorianam se qualificarunt, et bonum moralem Characterem praesetulerunt, occasione Magistratualium Restorationum Officia praeferenter consequantur. Pares dispositiones fient penes Dicasterium Aulicum in Cameralibus, Cameram item Regiam Hungarico - Aulicam, nec non apud Tricesimalia, Salis - et postalia Officia, ast nonnisi quoad Praetorianos peculiariter excultos, eo quod praetendi haud possit, ut Individua Dicasterialia in promeritam de justo, et aequo diuturnorum, et fidelium Servitorum suorum remunerationem sui promotionem expectantia egressuris e Turma Praetorianis postponantur. Ad praemissa autem Officia aspirantibus Praetorianis praxis quoque penes hujatia concernentia Dicasteria concedetur, ut perfecte se excolere possint; Quodsi vero aliqui jam praevie, quam Turmae adlecti fuerint, requisitas pro hujuscemodi

120 Caput II. De Susceptione, et Dimissione

Officiis noticias sibi compararunt, illi tanto facilius, et citius, ad summum illum suae Perfectionis gradum perventuri sunt.

Pro Militari statu destinati Praetoriani, postquam praescriptum servitii tempus ad contentum Superioritatis penes Turmam exegerunt, cum praehabito Charactere, et retento senii ordine ad Legiones transferrentur. Qui vero penes Legiones jam qua Sublocumtenentes serviverunt, cum Charactere isthoc ad Turmam Praetorianam translati, illi post exactum in hac cum satisfactione quinquennium, qua Superiores Locumtenentes ad Legiones mittentur.

Quemadmodum autem e Praescripto hocce, ut quippe post exactum penes Turmam quinquennium Praetorianus ex hac egrediatur, in Gentem ipsam magnum Beneficium redundare perspicuum est, eo quod hac ratione patens Nobili Iuventuti ad eam aditus multiplicetur; ita in quemlibet etiam Praetorianorum non parum exinde dimanat utilitatis, et emolumenti, quod is ante sui ad Turmam receptionem extra omne servitium constitutus, aut saltem qua Gregarius, aut Cadetius vel Subofficinalis, vel Vexillifer serviens, cum egressu suo jam in qualitate Sublocumtenentis, et retento senii ordine ad Legionem transferendus sit.

Ut vero in receptione Sublocumtenentium ad Nobilem Turmam Praetorianam sollicitudo illa removeatur, ne ad hanc fors Sublocumtenentes suscipiantur, qui se Subordinationi subducere, et otiosam vitam ducere posse existiment; hinc necessum est, ut Legiones eos duntaxat Sublocumtenentes ad Turmam Praetorianam proponant, quorum moralis Character omni semper exceptione major fuit; ut porro statio ejusmodi ad Turmam translati Sublocumtenentis apud Legionem anno integro vacans relinquatur, ne occasio desit eum, casu quo moralis Character illius ad Turmam recommendationi Legionis minus corresponderet, ad eandem, et quidem pristinam stationem illico remittendi.

Quodsi quispiam e Regno Turmae neo-adlectus Praetorianus contumacem se exhibuerit, malam vitam egerit, aut Praelectiones haud frequentaverit, mox Turmae Praefectura medio Caesareo Regii Primarii Supremi Aulae Praefecti ad talismodi Individui dimissionem Suae Majestati Sacratissimae Praepositionem faciat, siquidem penes hujuscemodi qualificationem tantum recepturos juniores Officiales nonnulli reatus locum

habeant, super quibus in militaribus poenalibus Legibus nihil determinatum est, consequenter criminali procedurae haud subjaceant; sed et quia talismodi incorrigibili Praetoriano Militi e sola dimissione longe major Gratia affluat, quam si is legali via cassaretur, taliterque pro cunctis sive civilibus, sive militaribus servitiis incapax redderetur. Adhaec invenit Sua Majestas Sacratissima, non modo sollicitudini illi, quasi Praetorianorum aliquem citra demeritum e Turma dimitti contingere posset, per id jam sufficienter praecaustum esse, quod in occursum hujuscemodi casibus omnes Turmae Praepositi vota sua depromere debeant; ast justum quoque, et aequum esse, ut, cum Officialium a Legionibus ad Turmam transferendorum stationes, attacta praecedente paragrapho modalitate, causâ inconvenientis moralis Characteris, quem nefors testaturi sunt, vacantes relinquendae sint, pari ratione etiam cum Individuis e Regno pro Praetorianis Militibus susceptis procedatur.

In subrepartitione 10 Praetorianorum Militum, qui juxta assumptum Quinquennii diametrum quotannis e Turma egressuri, et penes Legiones accommodandi sunt, ea proportio observetur, ut septem quidem Legionibus germanicis, et hungaricis pedestris ordinis Militiae, unus item Legionibus confiniariis, et duo Legionibus equestribus adnumerentur.

Aequalis autem isthaec subrepartitio, et Legionum denominatio erit potestatis Caesareo-Regii Consilii Aulae bellici, pro compertis nempe e concernente Lustrae Tabella Qualitatibus Praetorianorum ad pedestrem, aut equestrem Militiam propositorum, nec dependebit proinde ab ipso Praetoriano Milite equestris duntaxat, aut hujus, vel illius Legionis praelectio, cui adnumerari cuperet.

Qui ob defectum vacantiarum tantisper qua supernumerarii ad Legiones transituri sunt Praetoriani, illi e peculiari altissima Gratia interea, quoad ad actualitatem pervenerint, e militari aerario, ut ut hoc pro idmodi erogationibus haud dotatum sit, stipendiis providebuntur.

Tempore cujusvis Lustrae Praetoriani illi, qui post exactum Quinquennium anno insequenti ad Militiam egressuri sunt, peculiari Consignationi inserantur, ac coram Lustram peragente in persona sistantur, ut Legiones, quibus adnumerabuntur, denominari, eaedemque medio Cae-

122 Caput III. De Cultu Divino, et ejus Solenniis.

sareo - Regii Consilii aulae bellici idcirco tempestive edoceri valeant. Ex eadem hac causa necessum est, a quolibet neo - suscepto Praetoriano declarationem excipere, num militari, an civili Statui animum addicere velit. Quodsi uni, aut alteri, vel pluribus adsemel tempus exitus approxinuaverit, mox id trimestri spatio praevie Turmae Capitaneus Caesareo-Regio Supremo Aulae Praefecto insinuet, ab ulterioribus illius Mandatis praestolaturus.

A Sua Majestate Sacratissima dependebit, Praetorianis, qui in servitio Invalidi effecti sunt, prahabito Characteri commensuratam Pensionem clementissime resolvere. Ut autem hujuscemodi casus rarius admodum occurrat, Turmae Capitanei curae erit, quo singuli neo - suscipiendi Praetoriani per Medicum, et Chyrurgum in praesentia unius stabalium Officialium, prout id penes Imperiale germanicam Guardiam, relate ad Nobilem Iuuentutem Regni Galiciae, locum obtinet, exacte visitentur, an non unus, vel alter corporis defectibus laboret, ob quos neffors jam Invaliditati appropinquat, aut quaqua ratione ad Nobilem Turmam Praetorianam inhabilis est.

CAPUT III.

DE CULTU DIVINO, ET EIUS SOLENNIIS.

Singulis dominicis, et festivis diebus hora media nona pulsatur per Turmae Praetorianae Tympanotribam prima vice Hora precum, tum instanti, qui a servitiis est Tubicen canit Accitum integrum (ganzen Ruf).

Tertio quadrante ad nonam pulsat Tympanotriba altera vice, quem Tubicen cantu integri Accitū, et trium Impulsuum (drey Stoß) excipit.

Hora demum nona pulsat Tympanotriba signum tertium, tum

Caput III. De Cultu Divino, et ejus Solenniis. 123

instantaneo omnes Tubicines signum matutinarum precum, sive musicales notas canent.

Ad primum signum quemlibet Praetorianorum jam indutum, et comptum, uno verbo paratum esse oportet. Auditō signō alterō congregabunt se Praetoriani juxta Contubernia apud concernentem Secundarium Vigiliarum Magistrum ea ratione, ut ad signum tertium omnes jam in magno conclavi juxta Brigadas in diuppli serie consistant. Tum Inspectio superiorum Officialium erit, qui ne minimum quidem relate ad compositionem (Adjustirung) silentio praetereant, eo minus confabulationes, aliosque disordines tolerent.

Primarii Vigiliarum Magistri, quum Brigadae eorum series formaverint, actutum ad magnum conclave compareant, et Praescripto, circa praetattactam visitationem se conforment. Secundarii e contra Vigiliarum Magistri, pro eo cavebunt, et respondebunt, si unum, alterumve Praetorianum Contubernii sui abesse contigerit; videant proinde, ut Praetoriani mature surgant, se crispen, induant, ac ita componant, ne praescriptum tempus quoquo sub praetextu negligant. Quodsi quis aegre valeret, aut secus ob inevitabiles eventus a comparitione distinetur, is pridie, aut ante Solennia Cultū Divini tempestive suo loco insinuetur.

. Qui pro Cultu Divino ad Aulam peragendo exmissi sunt Praetoriani, illi jam sub Solenniis Cultus Divini domestici Balteum, et Thecam humeris injectam gestent, per Primarium Vigiliarum Magistrum peculia-riter visitandi.

Posthaec ibitur ad Sacellum pro audiendo Sacro Missae Sacrificio, et Concionē.

Stabuli famulitium, et Mediastini ducentur pro Divinis per Scholae equestris Magistrum, et Domūs Inspectorem, ac in ambitu Sacello contiguo in duas series collocabuntur, tum cum reliquo Domūs Personalī in magno conclavi Sacro Missae Sacrificio intererunt; Scholae autem equestris Magister pro eo cavebit, ut praeter Agazones vigilias in stabulo habituros, omnes reliqui pro Divinis compareant.

Sub Divinis Cantilenarum pro Legionibus hungaricis praescriptarum usus fiat.

CAPUT IV.

D E S U B O R D I N A T I O N E.

Subordinatio est basis, et fundamentum Ordinis, consequenter etiam servitii, ita quidem, ut nisi ea quam exactissime observetur, nil unquam Boni, ast summus disordo, et infortunium locum obtinere debeat. Extenditur illa ab imo, ad sumnum militarium Honorum Gradum, sine ullo sive Natalium, sive Fortunarum respectu; Dispescitur autem in tres partes, utpote in Subordinationem, qua unus erga alium peculiariter invitatus est, tum in eam, qua unus alteri altioris duntaxat gradus, aut senii in eodem Charactere causâ subest, demum in illam, quae nonnisi aestimationem, et reverentiam unius in praeattactis duobus casibus Subordinati erga Praepositum suum pro objecto habet. In primo casu constitutus Subordinatus Mandata Praepositi sui, nisi haec manifeste ipsi servitio contraria sint, in instanti, et juxta verbalem sensum quam exactissime effectui mancipet. Omnis proinde minima contradictio, remora, et in causas elargiti Mandati investigatio, ejusdemque perscrutatio hic summpere culposa evadit; Integrum attamen est Subordinato, si nefors Praepositus activam Subordinationem plus justo extendit, et limites aequitatis transgressus est, debita cum modestia, et reverentia, ast tum primum, postquam Iussa effectuavit, rem eidem proponendi, imo satisfactione haud impensâ altiori etiam Loco querulandi, ut ut hoc Praepositus decenter praevie requisitus haud indulserit. In casu altero existens Subordinatus datis sibi Iussis perinde morem gerat, ea unica cum exceptione, si eadem videlicet Mandatis per Praepositum sibi peculiariter elargien-

dis contrariarentur, aut cum his conciliari nequirent, quo utique in casu obtemperare haud tenetur, ast praevia Mandata Praepositi quam exactissime in effectum deducere obligatur.

Caeterum suapte intelligitur, eum, qui altiori duntaxat gradu, vel senio alteri praeest, illa solum occasione huic quidpiam mandaturum esse, ubi effectuationem, aut intermissionem rei cuiuspiam necessariam existimaverit.

In praecattactis demum duobus casibus constitutus Subordinatus tam in servitio, quam extra illud, ac omnibus in occasionibus sibi taliter Praeposito honorem, et reverentiam testari tenetur, siquidem huic posteriori etsi in rebus indifferentissimis, ac in conservatione etiam quam maxime familiaris praeferentia quaedam tamen semper eo magis competit, quod hanc postpositam Subordinatus necessarii tantopere in re servitii Respectus sufficientem observantiam sensim oblivioni traditur sit.

Motiva unum quemque eo perductura, ut strictae huic Subordinationi ipse prompte se subjiciat, sunt proprius ejus honor, et prosperitas; honoris proinde amans, et prudens vir eam velut servilem subjectionem neutiquam considerabit, ast qua salutare quodpiam, et pro adimpletione Obligationum suarum necessarium medium contemplabitur.

Cum autem unus quisque se obstrinxerit, pro cunctis possibilibus viribus in bonum Servitii cooperaturum, hoc vero sine Subordinatione subsistere nequeat; ex eo suapte proflit, honoris cupiditatem primam esse tenendae Subordinationis activam causam.

Adhaec proprium quoque commodum, et utilitatem quisque in Subordinatione reperiet, eo quod illa fundamentum omnium utilium operationum constituat.

CAPUT V.

DE MILITARI DISCIPLINA.

Militaris Disciplina consistit in stricto ordine, cuncta Mandata celeriter, et sine contradictione effectui mancipandi, tum in illorum inevitabili punitione, qui Obligationi suae in exequendo praescripto ordine satisfacere neglexerunt.

Cum vero dissimulatio etsi minimorum quorumvis errorum, aut negligentiae tantarum secularum esse possit, ut ex hinc persaepe sumum damnum pro servitio enascatur, idcirco pro illis, quamcumque exigu momenti fuerint, sine mora, ac pro justa severitate poena irrogetur.

Poenae unicuvis reatui commensuratae alio quidem in loco jam praescriptae sunt; hic nihilominus in genere id porro commemorandum est, ut Praepositus inter Subordinatos rarius, et saepius errantes distinctio nem faciat, ac subversantes quoque circumstantias perpendat, consequenter commensuratas poenas dictare sciat.

Disciplina autem isthaec perinde (ut ut in justa, et aequa proportione) ab imo ad summum Militarium Honorum gradum sine omni Personarum respectu se extendit, eo quod non raro apud supremos quoque Praefectos errores, et defectus locum obtineant, ideoque connexae eorum Officiis obligationes persaepe oblivioni tradantur, et negligantur.

Citra strictissimam, et indesinenter in vigore suo conservatam Disciplinam, quae saepe id, quod Honoris instinctus perficere nequit, effectuare debet, Turma Praetoriana inevitabiliter necessarias illas qualitates, fidelitatem quippe, obedientiam, patientiam, et vigilantiam nunquam in eo gradu assequetur, in quo eaedem pro bono servitii necessariae sunt.

CAPUT VI.

DE HARMONIA, ET ANIMORUM UNIONE.

Harmonia, sive Animorum unio est spontanea quaedam, et incoacta consensio unius cuiusvis Individui eo tendens, ut toti Turmae Praetorianae honor, et existimatio concilietur, ejusdemque, consequenter etiam servitii bonum promoveatur.

Ex hac causa unius cuiusvis erit, ea, quae vires admittent, parte ex sua in praemissum finem conferre, et quantum possibile, commissos jam nefors per alium errores illico emendare, aut praemetuendis obices ponere, nullatenus autem turpem quandam ex eo haurire complacentiam: alterum nempe quidpiam deliquisse, ideoque animadversione dignum se fecisse.

Harmonia isthaec e genuino Subordinationis, et Disciplinae usu proficiscitur, si nimirum unus quisque ea, quae ipsi incumbunt, ultiro sponte perfecerit, nec cuiquam imputatum fuerit aliquid ab aequitate alienum; adhaec vero non modo Subordinatus debitum Praepositis honorem, et reverentiam omni occasione exhibere haud neglexerit; verum Praepositus quoque Subordinatis, prout unus quisque sibi aequalibus necessario cum decore obviaverit. Proficiscitur porro Harmonia exinde etiam, si Praepositus quodvis partium studium sollicite omnino devitaverit, et solam, ac unicam Iustitiam sibi pro Regula sumpserit, adhaec privatum commodum suum haud quaesiverit; si denique unus quivis turpem alterius meritorum, et obtentae idcirco remunerationis Invidiam in corde pro viribus suppressimere adlaboraverit, eo quod hinc summum odium enascatur tanto deformius, quanto evidenter constaret, quod honoris amans aestimare potius, et magni facere debeat eum, qui zelo suo, conatibus, aliisque qualitatibus sibi praeferentiam aliquam promeruit, ad pro-

128 Caput VI. De Harmonia, et Animorum Unione.

movendum etiam servitii bonum haud parum collaturam; Horum accedit, ut is potius remotis vilibus passionibus nobili quadam aemulazione, et impensò pari zelō alium assequi omnimode adnitatur.

Et haec sunt media junctam servitio indissolubili nexu Animorum unionem, et cointelligentiam manutenendi, nocivasque scissiones praecavendi; Qua in re porro observandum est, ut, si non obstantibus per Turmae Capitaneum adhibendis praecautionibus tamen scissiones quaepiam, et odia ad Turmam Praetorianam enascerentur, is malum hoc adhuc in cineribus suffocare, et opprimere summis viribus adlaboret; difficilis namque evadet, id, postquam profundiores radices jam fixit, eliminare.

Harmoniae, et Animorum unionis fovendae necessitas pari ratione ad Legiones quoque, et Cohortes, ac foedere junctorum Principum Militiam, non absimiliter ad civilis Statū Individua, et Regnicolas extenditur, contraria enim agendi ratio inimicitias causabit, Praetorianos multis etiam commodis, et emolumentis privatura, ac diversis in casibus pessimis sequelis ansam datura.

CAPUT VII.

DE SENSU COMMUNI NOBILIS TURMAE PRAETORIANAE HUNGARICAE (Esprit de Corps).

Sensus hic communis Turmae Praetorianae consistit in firma illa fiducia, quam cuncta Instituti hujus Militaris Individua in bono Ordine suo, in intima unione, et sibi jam conciliata publica existimatione locent, una vero, se in ea constanter servandi, summa cupiditate ardeant.

Quodsi Sensus idmodi communis ad Turmam praedominium obtinuerit, tum unus quisque a summo ad infimum, indesinenter, et sine coactione eo intendet, ut non modo Incumbentiis Muneris sui promptissime satisfaciat, ast pro altioribus quoque Honorum gradibus se qualificet, eo plus ex commodis ejusdem Instituti participaturus.

Hac ratione comparatum Militare Corpus non potest in summas, quae desiderari possunt, spes non crescere.

Sensus proinde hic communis per Turmae Capitaneum, ac sic per omnes reliquos omnimode conservetur, vel si deest, introducatur. Ad id vero assequendum exemplum Praepositorum, prout alias omni in re, plurimum conferet, si nimirum hi meritis conspicui fuerint, omnesque actiones suas constanter eo direxerint, ut Subordinati in bona de illis opinione versentur, taliterque ad eorum imitationem perducantur.

Praepositorum adhaec erit, bona, ac favorabilia Subordinatis de Superioritate sentimenta instillare, ac, tametsi nefors superiorum Praefectorum vivendi ratio non omni culpa vacua foret, iidemque defectibus nonnullis laboraverint, hos sollicite celare; interest enim bonam de illis opinionem apud Subordinatos conservare, sive illa fundata sit, seu minus.

Tandem et illud hic commemorandum est, quod Praetorianis de unius, alteriusve Commilitis sui malo morali Charactere, aut in hoc, vel illud vitium proclivitate convictis, commune Bonum, et Existimationis Turmae Praetorianae conservanda studium obligationem imponat, ut ei proprio motu rem saepius ob oculos ponant, eum exhortentur, et ad emendationem omnem possibilem operam sub familiaribus colloquiis, et consortiis impendant.

CAPUT VIII.

DE OBSEQUIIS AULICIS.

Supremus Caesareo-Regius Primarius Aulae Praefectus immediatus est omnium Praetorianarum Turmarum Colonellus, per quem proinde negotia tam Obsequia aulica concernentia, quam etiam ad rem oeconomiam, Publico-Politica, Disciplinaria, ac in genere ad intrinsecum Turmae Praetorianae spectantia, velut ab Obsequiis aulicis inseparabilia objecta immediate dirigentur.

Tam Vigiliae, quam alia Obsequia Aulica juxta repartitionis, et socialis equitationis Listas praestanda erunt, quorum proinde accuratam Tabellam (Noster) Prostrates ducat.

Ad Caesareo-Regiam Residentiam eo numero Praetoriani exmittentur, quot necessarii erunt, aut quot exmittendi jubebuntur, Vigilias a sinistris Imperialis Guardiae praestituri. Hos unus e Secundariis Vigiliarum Magistris ad Urbem toties quoties ducet. Ad Palatia vero in Schönbrunn, et Laxenburg existentia unus Primarius, unus item Secundarius Vigiliarum Magister cum viginti Praetorianis Militibus exmittentur.

Qui curam Vigiliarum Aulicorum gerit Secundarius Vigiliarum Magister, is vel a supremo, vel illo Caesareo-Regio Camerario, qui tunc Aulae Obsequiis distinetur, audiat, quae in insequentem diem Aula sibi Obsequia praestari jubeat, et pro his ad Turmam deferendis unus quotidie Praetorianus eo exmittatur.

Si Sua Caesareo-Regia Apostolica Majestas, aut utraque Suarum Sacratissimarum Majestatum insimul publice ad Urbem exeant, tunc una integra Brigada Augustissimos post sequentes Dominas Aulicas nudatis frameis eques comitabitur.

Quodsi vero sola, aut ambae Sacratissimae Caesareo - Regiae Apostolicae Majestates publica, apparataque Pompa curru insimul vectae fuerint, tunc peraque una integra Brigada post Supremum Caesareo - Regium Camerarium, Supremum item Caesareo - Regium stabuli Praefectum, et Turmarum Praetorianarum Capitaneos nudatis frameis Suas Majestates eques comitabitur.

Quum autem per Augustissimum Imperatorem, et Regem publicae in Aula obeuntur Functiones, Regum quippe, Principumque Oratores, et Alegati ad Alloquium publicum admissi, in Feudorum Possessionem Princeps quispiam immissus, diversorum porro Ordinum Equites creati fuerint, tum vero Nobilis Turma Praetoriana Hungarica a sinistris Imperialis Guardiae Obsequia praestabit; id quod tunc quoque observandum, si Sua Majestas per ambitum vulgo den Augustiner - Gang ad Ecclesiam processerit. Quemadmodum vero sub Solenniis Insignis Ordinis Sancti Stephani unice, et praecise Regnum Hungariae concernentis sola, et unica Turma Praetoriana hungarica Obsequia praestitura est; ita vicissim sub collatione Satri Römani Imperii Feudorum Possessionis Obsequiorum praestatio soli Imperiali Guardiae reservata manet.

Quodsi ambae, aut una Suarum Sacratissimarum Majestatum sine publica Pompa ad Urbem, aut ad Suburbia curru vectae fuerint, quatuor semper equites Praetoriani in comitatu erunt; dum vero Regiae Suae Celsitudines extra Urbem vehentur, duo Praetoriani Milites perinde equites Eas comitabuntur.

Secundarius Vigiliarum Magister pro Vigiliis ad Aulam iturus, mox cum suo eo adventu, quotiescumque postulatum fuerit, consignationem Praetorianorum, qui die illo ab Obsequiis erunt, Caesareo - Regio Camerario Obsequiis aulicis tunc distento, exhibeat.

Exorto in Caesareo - Regia Residentia incendiō, universi Praetoriani cum Agazonibus illico equites eo compareant, ut, ubi necessarii erunt, adhiberi possint.

Praecipuis Aulae Solemnitatibus universa Turma Praetoriana cum tympanorum, et tubarum clangore ad Aulam solenni apparatu profi-

ciscetur, tum ubi in Foro Regiae Residentiae (Burgplatz) ex equis descendens est, per Turmae Capitaneum omnes ad Aulam ducentur.

Conclavia, ambitus, aliasque Regiae Residentiae communicaciones Praetoriani quam optime noscere admitantur, ut et servitia tanto accuratius praestare valeant, et omni in casu ipsi se juvare illico sciant.

Cum autem Sua Majestas Sacratissima Praetorianis aditum ad Consortia Aulica (Appartements) clementissime concedere dignata sit; hinc, ut altissimae hujus Gratiae participes fiant, quin tamen ea abutantur, sex semper alii Praetoriani per nonnullos superiores, et inferiores Officiales eo ducantur, et, quem decorum ibi observent, bene praevie instruantur.

Postquam Praetoriani Aulam ingressi sunt, tum equi semper ad aedes praetorianas per Agazones reducantur.

Quid in Schönbrunensi, aliisque Caesareo-Regiis suburbanis Palatiis relate ad equos agendum sit, id quovis in casu praecipietur.

Si quoad Obsequia aulica dubium quodpiam enatum, et Turmae Capitaneus absens foret, tum eatenus debita Inviatio a Primario Supremo Aulae Praefecto condecenter expetatur; quodsi vero Capitaneus praesens adfuerit, is ipse casu hoc a Supremo Aulae Praefecto certiora edoceri depositat.

Pro Vigiliis aulicis ituri Praetoriani, quibus ad servitia unus Agazo adjungendus est, hora duodecima, ubi eatenus tuba signum datum fuerit, una cum Praefecto suo prandebunt, et auditò hora prima alterò ejusdem tubae sonò egredientur, tam per Praefectum earundem ipsarum Vigiliarum curam habiturum, quam per Secundarium Inspectionem habentem Vigiliarum Magistrum relate ad munditiem, numve compti sint, stricte visitandi.

Praetoriani Vigilias aulicas obituri nitide semper induti, et compiti ad Aulam compareant, ac in vestitu hocce Viginti quatuor horarum spatio permaneant, sub onere responsionis Vigiliarum Praefectum sècus mansuro.

Ut autem mundities in Stationibus, et cubili Excubiarum tanto magis observetur, ex eo advenientes noviores Vigiliae-servitia hand prius assumant, quam omnia repurgata fuerint, et attactarum recentiorum Vigiliarum Praefectus cuncta diligenter perlustraverit.

Adhaec cavebunt Vigiliarum Praefecti de eo quoque, ne Praetoriani ad ullos, praesertim vero fortunae lusus se immittant, nec tabacum fumigent, deprehensos autem Mandati hujus Transgressores sine omni personarum respectu Turmae Praefecturae denuncient; si enim secus faciens poenam idcirco subeundam habuerit, id ipse sibi adscribat.

Vigiliae aulicae e tribus duntaxat, aut sex Capitibus consistentes in silentio, et sine strepitu ad Aulam ibunt, in sic dicto Schweizerhof ex equis descensurae, quarum primus Vigiliarum servitium obiturus illico ad stationem se conferat, permutando Vigili successorus. Pluvio vero, aut lutoso tempore, qui primus Vigilias obiturus est, is quam celerrime se purget, in ordinem componat, et permutando Vigili succedat. Quodsi autem quotidiana Vigiliae ex novem, aut pluribus Capitibus constituerint, his unus Tubicen adjungatur, taliterque nudatis frameis Urbem intrent. Idem observandum est tum etiam, ubi pars aliqua Turmae Praetorianae pro Cultu Divino ad Aulam peragendo exissa fuerit, quae in Foro Iosephino ex equis descendit, et prout quotidiana Vigiliae inde a Repagulo (Schlagbaum) ante Portam sic dictam Burgthor existente nudatis frameis Urbem intrat. Id quod in reditu ad aedes praetorianas omni in casu perinde observandum erit.

Praeter Praetorianum in Statione Vigiliarum existentem, alter semper etiam Praetorianus, et quidem is, qui in Vigiliis stanti jam jam successorus est, usque tempus vespere subsecuturi omnium ad cubile Excubiarum recessus in eodem Vigiliarum conclave in Reserva stet.

Praefectus Vigiliarum Praetorianis non admittat, ut ante horam decimam in cubili Excubiarum se exuant, aut plane de die decumbant; mane autem usque horam septimam omnes jam crispati, et induiti sint.

E Praetorianis Vigiliarum servitium ad Aulam obituri duo sunt pro Reserva ad casum orituri incendi destinati, quorum equi serviles cum Agazone ad Stabula Aulica illocandi sunt. Hi quidem per noctem Battuum, et Thecam (Bandesier, und Lädung) deponere, ac chlamydem cum tunica exuere possunt, femoralia attamen, et cothurnos retineant, ut si de nocte incendium oriretur, et ex Augustis quis eo ire intenderet, illico in comitatu esse possint; Praefectus autem Vigiliarum se cum caeteris omnibus acutum induat, et ad conclave stantium Vigiliarum conferat.

Quodsi ignis de die eruperit, mox duo illi pro incendiali Reserva destinati Praetoriani Augustos eo nefors ituros comitabuntur; Vigiliarum autem Praefectus rem non minus Turmae Capitaneo, quam aedium praetorianarum Commandanti medio Agazonis a servitiis existentis illico scripto insinuet, ut e Reservis domesticis duo Praetoriani ad locum incendi instantanee se conferre possint, duobus illis, qui e Vigiliis aulicis eo cum Augustis profecti sunt, Praetorianis, et respective Reservis aulicis successuri, ac reduces Augustos domum comitaturi.

Quum in Regia Residentia quispiam Sacramentis providebitur, et in actu hoc ex Augustis praesens aliquis erit; tum quidem Vigiliarum Praefectus cum duobus Praetorianis Militibus nudatis frameis Sanctissimum comitetetur, ast nec ipse, nec Praetoriani Tegumenta hungarica in Capite retineant; Id quod etiam sub comitatu Augustissimorum ad Ecclesiam observandum est, ubi ad ipsum jam ad Ecclesiam introitum Tegumenta Capitis hungarica deponenda sunt.

Qui in servitio Vigiliarum aulicarum existit Praetorianus, is in Regia Residentia, et quidem in loco designato se contineat, nec sub incurrenda gravissima poena ad moenia deambulatum exeat; eatenus proinde Vigiliarum Praefectus non modo sedulo vigilet, ast ipse etiam bono exemplo praebeat.

Cum Famulitio aulico decenter, et honeste Praetoriani conversentur, ad sermones ambiguos se hanc immittant, ast sollicite devitent ea, quae dissensionibus ansam praebere possent.

Adhaec Vigiliarum aulicarum Praefecti Protocollum quoque ducant, cui Mandata Vigilias concernentia inserantur, semel pro semper in cubili Excubiarum relinquendum.

Sub Cultu Divino ad Aulam servando, quorsum Praetoriani sub Ductu unius Primarii Vigiliarum Magistri, uno e Secundariis Vigiliarum Magistris serierum numerum claudente ituri sunt, quove omnes etiam caeteri Praepositi comparendum habebunt, et in hisce occasionibus Imperialis Guardia, ac Turma Praetoriana hungarica per omnia tria conclavia duas series formabunt, haec posterior sinistrum Latus occupabit,

Superioribus Turmae Officialibus in primo, Primariò vero Vigiliarum Magistrò in secundo, et Secundariò Vigiliarum Magistrò in tertio conclave ante Praetorianos suos in debita, et decenti positione substituris.

Consuetas Obsequiorum aulicorum Indictiones, aliaque in Aula elargienda Mandata, prout et quosvis impreavisos eventus, exempli causâ: exortum incendium, aut si quispiam Sacramentis provisus fuerit, Vigiliarum Praefectus sine mora Turmae Capitaneo, et aedium praetorianarum Commandanti scriptò insinuet.

Sub Obsequiis Cultus Divini aulici, aut publicarum Epularum unus e Primariis Vigiliarum Magistris Inspectionem habiturus est; ejus curae proinde erit, sub Divinis Praetorianos debite dislocare, sub Epulis vero publicis una cum Secundario Vigiliarum Magistro destinatum ad locum ducere, id est ad sinistrum Suae Sacratissimae Majestatis Latus suo ordine collocare.

Diebus Solemnitatum aulicarum curabit Turma Praetoriana, ut in Vigiliis aulicis existentes Praetoriani mox, ubi stationes occupaverint, solenni ueste uniformi indufi sint.

Qui sub Divinis Vigiliis praestituri sunt Praetoriani, illi uno, eodemque tempore, quo Imperiales Guardiae, cum succendentibus Vigiliis permutentur.

Solus, et unicus Vigiliarum Praefectus exclusis Praetorianis in conclavi Audientiarum singulis diebus, quibus hae dabuntur, se contineat, Caesareo- Regio Camerario ab obsequiis tunc existenti omni in casu ad manum futurus. Permutatus dein, et Domum redux, mox eos, qui nefors ex Turmae Personalis Statu in Audientia fuerunt, Domus Commandantì insinuet, ut videre possit, num hi praevie, et debite Turmae Praefecture se eatenus insinuaverint.

Adhaec Vigiliarum Praefectus occasione quorumvis Cultus Divini aulici Obsequiorum se cum Vigiliis suis stanti in conclavi Satellitum (Trabantzimmo) seriei adjungat.

Cum autem casus eveniant, ut sub Divini Cultus, et publicarum Epularum Obsequiis existentes ad magnum conclave Vigiliae, absolutis

jām Divinis, et terminatis publicis Epulis nonnihil diutius ibi commorari debeant; hinc tali in casu Vigiliarum Praefecti erit, unum Praetorianum e Vigiliis suis illic constituere, ne reliqui Praetoriani pro Cultū Divini, et publicarum Epularum obsequiis exmissi, in consensu equorum, et reditu distineantur.